

INUIT ATAQATIGIIT

INATSIARTUNI



UPA 2015/55
24 marts 2015
Ane Hansen

2015-imi Inatsisartut ukiakkut ataatsimiinnissaannut Nuussuarmi Upernaviup nunaqarfiisa ilaanni nutaamik illu sullivimmik nakorsiartarfittalerlugu sananermut atatillugu pissutsinik aningaasatigullu tunngasunik misissuinissamut Naalakkersuisut peqquneqarnissaannik Inatsisartut aalajangiiffisassaattut siunnersuut.

(Inatsisartunut Ilaasortaq Hans Enoksen, Partii Naleraq)

Nunaqarfinni illut sulliviit nunaqqatigiinnut pingaarteqartorujussuupput pingitsorneqarsinnaanatillu. Inatsisartunut ilaasortaq Hans Enoksen, Partii Naleraq siunnersuteqarpoq Upernaviup nunaqarfiisa ilaanni Nuussuaq-mi nutaamik illu sulliviliortoqartariaqartoq, illu sullivik maanna piosoq silaannap allangoriartornera ilutigalugu innarleriartormat ulorianarsiartorlunilu.

Siunnersuummut Naalakkersuisut akissutaat tupaallannarpoq, allaangillat oqartut uangut susassaqarfipput imatut iluarsivarput sinnera uangut susassaqaringilarput. illup sulliviup napparsimaverartaa kisimi sammineqarpoq illullu sinnera pillugu qanoq oqartussaaffiit akornanni attaveqartigiittoqarsimanersoq eqqaanerani. Soorunami ajungeqaaq Napparsimaveraq iliuseqarfigineqarluni allamut nuunneqarsimammat, illulli sinnera qanoq piniarneqarnersoq minnerpaamik kommuni susassaqartuuvoq attaveqarfigalugu apeqqutigineqartariaqarpoq.

Aningaasartuutit nammakkuninarnerunissaat eqqarsaatigalugu nunaqarfippassuarni illu sulliviit assigiingitsunik katitigaasarmata tamanna Namminersorlutik Oqarussat Kommunillu akornanni ataatsimut soqutigisassaavoq suleqatigiissutigineqartariaqarlunilu.

2015-mut aningaasanut inatsit suliarineqarmat kaammattuutigarput partiit tamakkerluta ataatsimoorluta ukiuni tulliuuttuni tallimani sanaartornikkut anguniagassanik isumaqatigiissusiussasugut, taama iliornikkut siunnerfivut ataatsimoortillugit sumi suut qaqugu sanaartorneqassanersut erseqqissumik pilersaarusiorniassagatsigit. Tamanna ilutigalugu siunnersuutigaarput kommunet isumaqatiginninniuteqarfigineqassasut sanaartornermik aningaasaliissutit akisussaaffigineqarnerat ukiut tallimat-qulit ingerlanerani tigussagaat. Kommunet kattussuunnerisa akisussaaffiit agguataarneri aqqissuuteqqinnissaat aallartittariaqarparput, allaffissornikkut marloqiusamik sulineq unitsillugu. Ukiut arlaqartut siammasissumik isumaqatigiissusiorfigigutsigit tamatsinnut iluaqutaassaaq, politikeriusugullu imminut akisussaaffiliissagaluarpuqut sanaartugassanik qineqqusaaruteqattaartanninnissatsinnik.

Taamatut oqaaseqarluta Inuit Ataqtigiit oqaluuserisassaq una illu sulliviup napparsimaverartaa kisiat isummorsorfiginagu atuuffiali tamarmi eqqarsaatigineqarmat sanartugassanik tulleriarinermi qanoq inissisimasoqarnersoq paasiniallugu aamma siunnersuummut allanguutissamik siunnersuusiorsinnaneq eqqarsaatigalugu siunneruutip aappasaanernejartinnani ataatsimiisitaliani attuumassuteqarfiini nalilersorneqarnissaa inassutigarput.